

БӨЛІМ: МҰҚАҒАЛИ МАҚАТАЕВ / ӨЛЕҢДЕР

Менің кішкентай күнім

ЖАРИЯЛАНДЫ
23.01.2023ТІРЕК СӨЗДЕР
Мұқағали МақатаевСІЛТЕМЕ
<https://bilimger.kz/129845/>

МЕНІҢ КІШКЕНТАЙ КҮНІМ

Көтеріп сені батырып,көтеріп сені шығарам,
Кішкентай күнім,сенсіз мен өмір де сүріп шыдаман.
Кішкентай күнім,сені мен арқалап жүріп айығам,
Табанға кірген шегеден,миына қаққан сынадан.
Қондырам-дағы ұяңа,отырам өзім күзетіп,
Әлдекімдерден қызғанып,әлсіреп жүрек дыз етіп;
Керімсал түннің кей-кейде кетеді маған сызы өтіп,
Отыра берем сонда да өмірдің кілтін түзетіп.
Қара аспанымнан, кей-кейде қара нөсерлер боратса,
Самалдатқаным мен сені,қапырық болып баратса.
Кішкентай күнім,кеш мені,барлығы-дағы сен үшін,
Иілмес емендерге мен, иілсем кейде садақша?
Бата ғой, күнім, дөңгелеп,шыға ғой, күнім дөңгелеп
Тірліксіз болмау үшін де,титімдей күнім,сен керек!
Мұқағали Мақатаев

КМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.